


成實論

才四

四百十四
西四

50849



國立中央圖書館藏
金陵

成實論卷第四

西

訶梨跋摩造

姚秦三藏鳩摩羅什譯

非彼證品第四十

荅曰不然四大是假名汝雖言阿毗曇中說
堅相是地種等是事不然所以者何佛自說
堅依堅是地非但堅相是故此非正因又汝
說色等從四大生是事不然所以者何色等
從業煩惱飲食婬欲等生如經中說眼何所
因因業故生又說貪樂集故色集又如阿難
教比丘尼言姉是身從飲食生從愛慢生從
婬欲生故知色等非但從四大生問曰色等
雖從業等生四大亦應爲少因如由業故有

穀此穀亦假種子等生如是眼等雖從業生
四大亦爲少因答曰或有物無因緣而生如
劫盡已劫初大雨是水從何所生又諸天所
欲應念即得如坐禪人及大功德人所欲隨
意是事有何等緣非但業耶又如色相續斷
已更生若人生無色界還生色界是色以何
爲本問曰何故有物但從業生何故有物待
外緣生答曰若有衆生業力弱者則須種子
衆緣助成業力強者不假外緣又法應尔或
有業或有法或有生處但業力得不須外緣
又若須因緣應說種子是芽等因何故乃說
因堅等生又以何義故從堅等生色等不從

色等生堅等耶又堅等色等共俱生故云何
言因堅等有色等不因色等有堅等又一時
生法則無相因如二角俱生不得言左右相
因問曰如燈明雖一時生亦說明因於燈非
燈因明是事亦尔答曰燈與明不異燈以二
法合成一色二觸色即是明故不得異燈以
不諦思此喻問曰是明從燈去在餘處是故
應異答曰不在異處此明色現見在燈中若
在異處離燈亦應見而實不見當知是色不
異燈也問曰更有一時生法亦爲因果如有
對中識以眼色爲因緣非眼色以識爲因緣
答曰不然眼識以前心爲因眼色爲緣因心

先滅云何俱生又若法隨所因生即是因成
若心因情塵有即是因所成法復次四大即
是造色以因所生故又現見世間物從似因
生如從稻生稻從麥生麥如是從地生地不
生水等如是從色生色如是等問曰亦見有
物從異因生如倒種牛毛則有蒲生種角葦
生荅曰我不言無從異因生但說似因中亦
生故言從色等生色等不但從四大生是故
不得定言色等從四大生又汝言以堅等示
四大是故堅等是實大者此事不然所以者
何以堅等相定可以分別四衆軟等不定或
在多堅衆中或在多濕衆中故不可以分別

諸衆餘亦如是又於堅等觸分別名爲軟等
何者若以濕亦以生性柔軟細滑以堅相多
故堅鞭麁澀如是等是故但以堅等分別四
衆又如經中說以依堅故示四大差別故知
依堅法名爲地種非但堅相故說堅相是成
地因又於成地中堅是勝因是故別說餘相
亦尔又爲作名字所有堅依堅皆名地種或
有人但說堅相爲地種爲破是故佛說堅依
堅爲地種餘亦如是又堅相衆中以堅多故
有二種語一切衆中皆有堅等諸觸若堅依
堅名爲地種若濕依濕名爲水種若熱依熱
名爲火種又堅是成地勝因故於中名地成

假名因緣中有假名名字如說我見人伐林
又汝言有二種語是事不然若隨說種是實
者則十二入等不應是實是故因眼緣色有
眼識生是則非實以不說種故是爲邪論又
佛入火種定從佛身出種種燄色是中何者
爲火種以色等成火非但熱相又佛說是身
名篋於中但盛髮毛爪等如經中說是身中
有髮毛爪等以是故髮毛爪等是地種不以
有種語故名爲實法又種子經中說若有地
種無水種者諸種子不得生長是中何者是
地種謂假名田非但堅相水亦假名非但濕
相又一法二種亦實亦假名是不可得是故

色等是實又眼等假名故有諸大亦實亦假
名者則是邪論又六種經中佛說髮毛爪等
名地種又象步喻經中亦說髮毛爪等爲地
種又以何義故說種是實不說種是假名又此
義非經所載又汝言佛說眼形中所有堅依
堅是地等者佛以此言示五根因四大成或
有人說從我生根或謂離大別更有根有說
諸根種種種性生謂從地大生鼻根等佛斷此
故說眼等根四大合成空無實法又分別成
假名因緣假名亦無又此肉形中有四分堅
依堅等佛以是語示諸物中有從四大生者
又汝言佛不說風中有依故名實大者是事

不然所以者何風中輕是勝相非依輕法地
等中依堅法等勝風則不然又依輕法少故
不說又汝言若說四大是假名則離大相者
是事不然若堅依堅從四大生名爲地種非
謂異物相依若法相異則不名依即是相離
問曰生則即是不名爲依依名異物來依依
曰名字爲依非異物相依以生法差別故如
言虛空徧至實無所至又汝言四大共生者
是事不然如日光中但有色及熱觸可得更
無餘法月光中但有色及冷觸可得亦無餘
法是故非一切物中盡有四大如有物無味
如金剛等有物無香如金銀等有物無色如

溫室等有物無熱如月等有物無冷如火等有物相動如風等有物無動如方石等如是或有物不堅或有物不濕或有物不熱或有物不動是故四大非不相離問曰以外因緣諸大性發如金石等中有流相待火則發水中堅相因冷則發風中有熱相因水火則發草木中有動相得風則發是故先有自性假緣而發故知四大不得相離若本無性云何可發答曰若介風中或有香香應在風中如香薰油應在油中是事不然又不從諸大生造色如從濕生濕如是從色生色又若不相離則因中有果如童女有子食中有不淨

等我等不說因中有果雖乳中無酪而酪從乳生如是何用憶想分別謂四大共生不相離耶

明本宗品第四十一

汝先言我等不說四大與色若一若異是故無各者是事不然所以者何諸外道欲成我故以四大一異爲喻故佛於假名中以四大爲喻故說四大義若不尔則不應說世間皆自然知地等四大而不了實性是故爲說不說手等若以堅等爲四大者何所利益又汝言依義二種謂諸大是實者此事未了當知是依義異謂假名是又汝言隨俗言說非實

大者是事不然所以者何若經書若世間中
不以無因緣故於色等中作四大名字如世
間言我見人於色等中說人名非無因緣若
無因緣強作名者見馬應名爲人而實不然
又以何故不於聲中說名爲地世人常說地
聲終不說聲是地若無因緣強作名者亦可
名聲爲地而實不然是故色等四法是地於
地分中說地名字如色是成假名因於中說
名人於樹中說名林於比丘中說名僧如是
於色等法中說四大名又汝言若六觸入若
因六觸入所成是經不然如汝法中造色無
所能生我法亦余於假名中更無所生是故

此經不應有若有應轉此義又汝言因四大造清淨色名爲眼者是事不然四大和合假名爲眼假名四大爲色色清淨故名爲眼又汝雖言法任法中無依無主是即爲依主以任者是依所任法爲主又汝言堅相能持等是事不然非但堅相能持假衆因緣餘亦如是是故四大是假名有

無堅相品第四十二

問曰汝說多堅色等成地大是故地等是假名者是事不然所以者何堅法尚無況假名地若泥團是堅泥團即爲軟故知無定堅相又以少因緣故生堅心若微塵踈合名爲軟

密合名爲堅是故無定又一法中無有二觸
令生是心身堅身軟是故無定堅相又堅軟
無定相待故有如見欽拔羅以氎爲軟見氎
故以欽拔羅爲堅觸法不應相待故有又目
覩金石則知是堅觸非眼可得是故無堅以
此因緣軟等諸觸亦皆無也

有堅相品第四十三

答曰實有堅相汝雖言泥團是堅泥團卽爲
軟是事不然所以者何我等無有實泥團法
衆法和合假名泥團故無此答又汝言以少
因緣故生堅心是事不然我於密合微塵中
得是堅相故名爲堅於不密中得此軟相是

故無咎若法可得即名爲有又汝言一法中
無二觸者是事不然我於一法中可得多觸
亦堅亦軟又汝言堅軟相待故無定者是事
不然如長短等相待亦有又如嘗白石蜜味
以黑石蜜爲苦嘗呵梨勒味以黑石蜜爲甘
若以相待故無則味亦無問曰黑石蜜中有
二種味亦甘亦苦荅曰蠱中亦有二觸亦堅
亦軟又汝言見石知堅是事不然不可以眼
知堅以先觸故比知如見火知熱熱非可見
又人見欽拔羅生疑爲堅爲軟是故非眼可
見故有堅等諸觸復次實有堅等所以者何
能起分別心故若無堅者何所分別又堅能

與心作緣亦所作業異謂打擲等又與軟濕相違則名爲堅又以能持因緣故名爲堅又能障礙手等故名爲堅又我等現知是堅見知事中不須因緣又以世間事得名爲堅餘亦如是故知有堅

四大相品第四十四

問曰我已知有是堅法而今見金熱則流水寒成冰此金以堅故屬地流故屬水荅曰各自有相共法堅依堅是地種若濕依濕是水種等問曰金堅則爲消流水濕則爲堅冰云何諸大不捨自相如經說四大相或可變得四信者不可得異荅曰我不以堅爲流以濕

爲堅但堅與流爲因濕與堅爲因是故不捨
自相問曰阿毗曇中說濕是水相或有人說
流是水相經中說潤是水相竟以何者爲實
荅曰流濕潤皆是水之別名問曰流是水業
眼所見法是故流非濕潤荅曰以濕潤故流
濕故赴下是故流即是潤亦濕潤是水相流
是水業問曰風中說輕動相輕異動異輕是
觸入所攝動是色入所攝今可以二法爲風
耶荅曰輕是風相動是風業與業合說問曰
無有動相諸法念念滅故不至餘處以至餘
處故名曰動至去動是一義故荅曰我但以
世諦故說名爲業非第一義因是輕法餘處

法生得名爲業。今時名去。問曰：輕無定相。所以者何？以相待故。有如十斤物於二十斤爲輕於五斤爲重。答曰：重法量法。因心等法亦相待。有如或有法相待故。長或有法相待故。短。揔相。因心故。卽爲相。若輕法相待故。無是等亦應皆無。而不然是。故相待非是。正因。又輕非相待。故有以不可稱。故有物不可稱。如囊囊中風是。故非相待。有但重法相待。無有重物不可稱者。問曰：若不可稱。名爲輕者。除重餘色等法。不可稱。故皆應爲輕。而不然是。故汝所說非是。輕相。答曰：我等意離色等。更無異法。名爲重色等法。或有生性可稱。如堅

不堅力無力新故相不朽消不消麤軟等亦
不離色等而有重相亦如是是色等衆若屬
地水是則可稱若屬風火則不可稱問曰若
重法不離色等者輕亦應不離色等而有荅
曰然離色等無別輕法但色等衆和合爲輕
問曰不然欲分別輕重必以身根是故輕重
非是色等衆荅曰如分別堅等或以眼或以
耳等此堅等物不離色等輕重亦如是雖用
身根是中更無異相又身根不觸不生身識
是重相身雖未觸亦能生識如重物雖以物
裏持亦知其重問曰非於念時知是重相荅
曰如人著衣雖不相觸亦知有力無力輕重

亦介所以者何從種種觸生種種身識如或因案搯生堅軟識或從舉動生輕重識或從把捉生強弱識或從觸對生冷熱識或從摩捫生澀滑識或從擠搯生強濯識或從劓刺或因鞭杖生異種識或有觸常在身內非如寒熱等從外假來所謂猗樂疲極不疲極若病若差身利身鈍嬾重迷悶薹膏疼痺頻伸飢渴飽滿嗜樂不樂憎等諸觸各生異識問曰若輕重相即色等衆者云何於色等中以身識緣荅曰非色等衆中用身識緣但此中觸分以身識緣如堅不堅等雖在色等衆中或以眼見得知又如猗樂等是色等衆亦以

身識分別是事亦尔問曰若輕重但是觸有
何咎何用分別色等衆為答曰如世人說新
穀陳穀是新陳相應異色等而實不尔但色
等初生名為新若此新相是色等衆重相云
何非耶問曰若色等衆即是輕重等者是輕
相在火風中則輕多色等衆應名為風若然
火即為風答曰隨相多者即名為大火中亦
有輕熱相以熱多故名為火不以輕多故名
火風中但有輕無熱是故但以輕為名又我
等不但以輕為風若輕而能為動因故名為
風如經中說輕動相名風於是中輕相是風
動為風業問曰風能倒山若是輕物云何能

尔荅曰風塵而力強勢能如是如或有風能
動小草或能頽山當知風業如是問曰今地
等大皆是色香味觸衆無差別耶荅曰不定
如名地中有色香味觸或但有色觸如金銀
等或水中有色香味觸或有三色味觸或火
中有色香味觸或有三色香觸或但色觸風
中或有觸無香或有香觸是故不定問曰風
觸云何荅曰寒熱堅軟等諸觸若隨大相續
不離可知即此大觸問曰有醫言風色黑是
實云何荅曰風與黑色爲因如風病人口中
有辛苦味而此豎不說風中有味則風與味
爲因問曰或有人說風是冷不說爲輕是實

云何荅曰無有名冷爲風如冰雪有冷不名爲風又風冷名異所以者何如熱風及不冷不熱風亦名爲風是故應依輕衆名爲風又無色觸等法生名爲風非冷爲風問曰若風有色味有何咎荅曰風中色味不可得若言雖有以微細故不可得者心中亦應憶想分別謂有色味是事不然又我等不說因中有果是故若事果中可得不必因中先有是名成四大實

根假名品第四十五

問曰眼等諸根與四大爲一爲異荅曰從業因緣四大成眼等根是故不異四大又佛分

別眼作如是言眼肉形中所有堅依堅名爲地種故知諸根即是四大所以者何但分別堅等更無有眼佛欲令人知眼空故作如是說若不尔應眼中別有堅等若堅等中別有眼雖分別堅等則無所益是故諸根不異四大有六種經中說六種是人若諸根異四大則眼等不名成人因緣因色等成四大聲亦是成人因緣但六種中假名爲人故知諸根不異四大又比丘問佛何等爲眼佛荅因四大成色不可見有對是名爲眼故知不異四大是比丘利根有智於眼等根深生疑世間皆知見色是眼乃至亦知觸是身是比丘於

眼等根中生有無疑所以者何或有諸師說五性爲五根或說一性是比丘欲試觀佛法故問佛佛欲示五根皆屬四大荅言比丘是眼因四大所成色不可見有對若法有實則非因成因假名法更成假名如因樹成林問曰或有人言色成就名爲眼是實云何荅曰若成就不成就四大從業因生名眼等根若不尔是比丘於眼等根中疑終不可斷所以者何佛爲說眼等諸根因四大造是故此比丘知無實眼法故知眼等不異四大又佛處處分別四大示眼空故如說以慧不戲論者謂觀此身分別六種堅依堅名爲地等如是

厭離五種但有一識亦如屠牛喻象步喻經
中分別四大更無有眼若別有眼應更分別
又和蹉等諸論議師亦作是說以無過故應
當信受問曰五根與四大異所以者何眼等
眼等入攝四大觸入所攝又眼等爲內入四
大爲外入眼等爲根四大非根又眼等是造
色成就四大不尔故知諸根非是四大荅曰
隨因緣故即事異說如信等五根亦名行陰
若四大從業生眼等所攝亦名內入亦名爲
根又四大即是成就如輪等成車輪即是車
是事亦尔問曰不然如心清淨名爲信信異
心異是事亦尔荅曰不然如因清水珠水即

爲清水清即是水如是得信珠則心池淨是
心淨即是心又我等於此論中不說從心有
異信是故此喻非也又根是假名於成假名
因不得言異問曰亦不得言一答曰四大成
就中假名爲根亦不但名四大爲根故知諸
根不異四大

分別根品第四十六

問曰是諸根中何大偏多答曰無有偏多問
曰若諸大等何故有能見色有不能者答曰
皆從業生從業生屬眼四大力能見色餘根
亦亦問曰若從業生何故不以一根徧知諸
塵答曰此業五種差別有業能爲見因如施

燈燭得眼根報聲等亦亦業差別故根力有
異問曰若是業力何假諸根但應從業生識
能取諸塵答曰不然現見無根則識不生所
以者何如盲者不見聾者不聞現見事中因
緣無用此非難也又法應亦若無諸根則識
不生外四大等無根不生法應假此又以諸
根嚴衆生身故從業生如以得穀因緣業故
穀生亦假種子芽莖枝葉次第而生此亦如
是問曰心何故不亦如眼識以眼為根亦因
次第滅心心但以次第滅心為根更無有如
眼等根處應說因緣答曰定有五塵定有五
識心不如是又心法應亦但以次第滅心為

根更不須餘如過去未來法雖無而意能緣
心心法亦如是此事亦然又是事與汝法同
汝法色等塵中識待根而生待次第滅心意
識得生問曰若意識更無根者爲依何處答
曰依四大身問曰無色界復何所依答曰無
色界識無所依法應如是無依而住所以者
何根差別故意識能知有無若有色則依無
色亦能住故無色界亦無依而住又衆緣合
故識生如經中說因意緣法則意識生此何
所依非如人依壁等一切諸法皆住自性
根等大品第四十七

問曰諸外道說五根從五大生是實云何答

曰無也所以者何虛空無故是事已明是故
不從五大生也問曰諸外道言眼中火大多
所以者何以業因故因施明得眼如經中說
施衣得色施食得力施乘得樂施燈得眼是
故眼中火大多又眼假明能見離見離明則
不見故知火大多又火能遠照眼有光故能
遠對色又言人死眼還歸日故知日爲本性
又眼定能見色色屬火故還見自性如是虛
空地水風等隨根偏多人死耳根還歸虛空
耳定能聞聲聲屬虛空餘亦如是故根中諸
大應有多少答曰汝言似業因者是事不然
所以者何或見有果不似業因如說施食得

五事報又若眼中明多則應不假外明如燈
燭等又若眼假外明故名火多者則耳等根
中空等亦應多不假外空等而實假外是故
非因又水能益眼如人洗眼眼即明了則應
水多又火能壞眼如日光等若是自性不應
自壞故知非火又天眼離明亦能見色是故
眼不屬火又月明中亦得見色月非火性又
眼法能尠或有眼待明能見有不待明而見
如眼得空等因緣雖不到色而能遠見眼法
如是不應憶想分別謂火大多又汝言離明
則不見者若離虛空憶念及色亦不能見則
虛空等亦應皆多又非一切眼皆假外明如

鷄鶻等禽猫狸等獸不假外明亦能得見故
非火多又火是明照常有熱相眼不如是若
汝言眼有光明能遠對色是事已破眼無光
故若言還歸於日眼則是常又日等非根眼
何故歸也又若日死日根及日復何所歸是
故不然又上天死時眼何所歸上無日故又
虛空無作則無所歸又諸根無去以有爲法
念念滅故汝言眼定能見色色屬火故還見
自性是事不然無用因故聲屬空等亦如是
是故汝言於五根中諸大偏多是事已破問
曰有論師言一根一性地中求那多故有香
能發香知水火風中有味色觸故能發味色

觸知是實云何荅曰我先說不定地中有香
餘物亦有是故非因又諸大合生不見有地
離水等者若地有香故能發香知亦應發色
等知以地中具四求那故問曰香但是地有
鼻屬地故觸能知香荅曰地之求那但是地
有鼻應盡知又水但有冷觸火但有熱觸應
以舌眼能知而實不然又無陀羅驃故則無
有根又諸根力用與塵合故生知和合已破
則無根用是故無有一性為根

根無知品第四十八

問曰諸根為到塵故知為不到能知荅曰非
根能知所以者何若根能知塵則可一時徧

知諸塵而實不能是故以識能知汝心或謂
根待識共知不離識知者是事不然無有一
法待餘法故能有所作若眼能知何須待識
又若根能知應當分別是爲根業是爲識業
問日照是根業知是識業答曰此非分別云
何名照汝法中耳等諸根非是火性不應能
照若諸根於識如燈者今諸根更應有照者
如燈則照復有照如是無窮若更無照者但
根能照亦應無根但識能知是故照非根業
又根非能知如燈能照而不能知必能爲識
作依是名根業是故但識能知非諸根也若
有識則知無識則不知如有火則熱無火則

無熱當知從火有熱問曰經中說以眼見色不應取相耳等亦尔故知眼能取色又眼等名根若不能知何以名根又經中說我諸弟子於微細事能知如眼所見若眼不能見佛諸弟子則無所見是事不可是故諸根定能取塵又以根取塵以識分別是則根識有異

答曰經中佛自說眼是門為見色故是故眼非能見以眼為門識於中見故言眼見問曰亦說意是門為知法故可以意為門而非知乎答曰意亦以次第滅心為門是故意不能知意識能知又經中佛說眼欲好色眼即是色性無分別故實不欲也是識欲耳又佛說

眼所識是色識能識色眼實不識又世間人
以世俗故說眼能見耳能聞佛亦隨說何者
但色可見餘不可見佛亦說見貪欲等過又
世間言月盡佛亦隨說如貧賤人字爲富貴
佛亦隨名佛意不欲與世間諍如摩伽羅母
等是故當知隨世語故佛說眼見問曰世間
何故作如是語荅曰隨眼識所因於是因中
說名爲見如說彼人見此人見如說人作罪
福等諸佛天神見又如說以左眼見右眼見
又說以日明見月明見或虛空見或向中見
若門中見如煮物中言此人者彼人者或言
以草木薪煮牛糞煮油煮蘇煮火煮日煮實

是火煮餘假得名如是但識能見眼得其名
又是語不盡應言以眼門見色又眼是人所
用具人是假名作者應有用具又因眼識見
名爲眼見如牀上人笑名爲牀笑又眼繫識
業故中說識業如手足等繫在於人是中人
業名爲手業又眼識因眼因中說果如言某
人燒某聚落如言食金名食爲命草爲牛羊
是皆因中說果如是從眼生識能見色故名
爲眼見又識近眼見色便名眼見如牧牛近
水便言在水又以眼故分別眼識是故眼中
置眼識業如杖婆羅門又眼能成眼識是故
於中說眼識業如財物損減名人損減財物

增長名人增長又眼識與眼和合故能見名
爲眼見如木與人合而能打名木人打如
墨染合衣故名墨衣又諸法乎說如慧業於
受等中說又應言以眼識見色略中語故但
言眼見又如藥石隨一受名汝言若不能見
何以名根今當答汝眼等五法勝餘色等故
名爲根問曰眼等五法與餘色等此十法俱
不知塵如離眼等則識不生若離色等識亦
不生以何爲勝答曰以諸根故識得差別名
眼識耳識等如鼓與桴合而有音以鼓勝故
名曰鼓音如地與穀等合而生芽以穀勝故
名爲穀芽諸識亦亦隨所依處得差別名不

以緣故若說色識則容生疑爲是眼識爲是緣色意識又根中有識塵中無識

又於眼等中生我癡心又識所依處是根非塵又在自身數中名根非塵又是人所用具名根非塵又根是衆生數非塵又根不通利則識不明若根清淨則識明了又以識根上中下故識隨差別以此等緣故名爲勝又根是不共一塵可得多人共有又根與識一業果報塵不如是又根是因塵是緣所以者何以根異故識有差別不以塵故如種是因地等是緣隨種異故云有差別因勝緣故得名爲根汝言我弟子於微細事如眼所見是隨

俗語世間人眼中說見故言如眼所見如佛
說偈明達近智如舌知味舌雖不知不同瓢
杓意依於舌生舌識故言舌知味依眼生識
名爲眼見故言佛弟子如眼所見汝言以根
取塵以識分別是事已荅根無知故又汝等
不說根思惟知我有差別相是故諸根不能
取塵又汝等諸知不待根生所以者何大及
我等先根而生又汝大等諸諦無本性故則
應皆無汝法本性變爲大等本性法無是事
已說是則無根

根塵合離品第四十九

問曰汝言識能知非根知是事已成今爲根

塵合故識生爲離故生耶答曰眼識不待到
故知塵所以者何月等遠物亦可得見月色
不應離香而來又假空與明故得見色若眼
到色則間無空明如眼篋觸眼則不得見當
知眼識不到而知耳識二種或到故知或不
到而知耳鳴以到故知雷聲則不到而知餘
三識皆到根而知所以者何現見此三根與
塵和合故可得知意根無色故無到不到問
曰汝言眼色不到而知是事不然所以者何
眼中有光是光能去見色光是火物眼從火
生火有光故又若不到能見何故不見一切
色耶以眼光去有所障礙不徧到故不見一

切又經中說三事和合故名爲觸若不到者
云何和合又五根皆是有對以塵中障礙故
名有對鼻香中舌味中身觸中眼色中耳聲中
若不到則無障礙又現在五塵中知生是故
五識到故能知若不到能知亦應知過去未
來色而實不知又衆緣合故知生是故眼光
去與塵合以光到色故名和合聲亦以到耳
故聞所以者何人在遠處小語則不聞若聲
如色不到而知小聲亦應可聞而實不聞故
知以到故聞又聲可遠聞若不到聞則無遠
近又聲以壁障則不可聞若不到可聞雖障
亦應聞又聲遠聞則不了近聞則了若不到

而聞則無差別以到耳故有是差別故知音
聲到故可聞又聲順風則了逆風不然故知
到故可聞又聲可盡聞若不到而聞不應盡
聞如色不到而見故不盡見故知聲不同色
若不到可聞則與色同如色一分見餘亦待
明故見聲亦應尔而實不然是故不到不聞
汝言耳等根塵不到而知是事不然聲香味
觸應來到根若令根去是事不然以耳等根
無光明故但一火大有光是故不去有聲若
厚濁物及水等障耳亦得聞若有光根不能
如是故知耳根無光又耳於闇中亦能知塵
若有光根闇則不知又有光根待方能知能

見一方不能一時徧知諸方如人東向則見東方色不見餘方有說意能去是故到塵能知如經中說是心獨行遠逝寢藏無形又是心散行如日光照又是心動動如魚失水又是心本隨意行等是故六塵皆到故知荅曰汝言先到是事不然所以者何如人遙見板樹疑謂是人若光到者何故生疑又太近眼則不得見如眼著藥篋則不能見故光雖去以太近故亦不應見又眼離明則不能見太近則明壞又若光到彼何故見鹿不能細辯又見色中有方差別謂東西方色亦有遠近差別若眼到故知則無差別所以者何香味

觸中無是差別是故眼光不到而知又眼光
若先見已復何用去若先不見去何所趣又
近色遠色一時俱見去法不尔是故眼光不
去又若眼光去中道應見諸色而實不見故
知不去又光去者光則離身不名為根如指
斷離身則無身覺又不見有眼能捨自依以
無比類則為非因又此眼光無能見者則為
是無問曰有此眼光以日光明映故不見如
日光中衆星不現答曰若尔夜則應見問曰
色法要假外明乃可得見夜無外明所以不
見答曰若此光晝夜俱不可得是則竟無可
見問曰猫狸鼠等諸夜行垂眼光可見答曰

是可見色住猫等眼中如螢火虫明色在身
非是光也又如夜行虫闇中能見人不能見
然則但彼有光餘物則無法自應尔又汝言
若不到能見應見一切色者若色在知境是
則可見如經中說若眼不壞色在知境如是
則見問曰云何名在知境荅曰隨色與眼合
時名在知境問曰若眼不到有何合時荅曰
是事亦同如汝眼去到色或有能見或不能
見如眼到日能見日輪而不見日業我亦如
是眼雖不去若色在知境是則能見若不在
知境則不能見問曰眼光遠去以勢極故不
見日業荅曰若以勢極故不見細業者日輪

量麁何故不見是事不然又若光到彼能見者何故見遠日輪而不見彼巴連弗等近國邑耶若汝意謂巴連弗等不在知境故不見者我眼不到亦以色不在知境故不能見問曰已知諸色在知境故可見今云何可見云何不可見答曰出障故不見如過去未來色映勝故不見如日光明蔽諸星宿及珠火明等不顯故不見如夜中火可見餘不可見地勝故不見如以初禪眼不見二禪色闇障故不見如闇中瓶神力故不見如鬼等身厚濁障故不見如山外色遠故不見如餘世界太近故不見如自眼睫次未至故不見如光中

塵可見光外則不見細故不見如樹杪似人
不可分別多相似故不見如一粒米投大聚
中又如一鳥入鳥羣中與上相違名在知境
問曰云何名眼壞荅曰風熱冷等衆病所壞
若風壞眼則見青黑旋轉等色若熱壞眼則
見黃赤火焰等色若冷壞眼則多見白池水
等色若勞壞眼則見樹木動搖等色疲倦壞
眼則見色不了偏察一眼則見二月鬼等所
著則見恠異罪業力故則見惡色福業力故
見淨妙色熱氣壞眼則見焰等色又衆生得
眼不成就故見不見足又眼生膚翳蔽故不
見若眼根壞故不見是名眼壞與上相違名

爲不壞耳等諸根亦應隨義分別問曰已知
五塵在知境故可知法塵云何名不在知境
答曰上地故不知如初禪心不知二禪已上
法根勝故不知如鈍根心不知利根心中法
人勝故不知如須陀洹不知斯陀含心中法
力差別故不知如有意識於此法無力以是
意識不知此法如攝心意識所知法亂心意識
所不能知如辟支佛意力所知法聲聞意力
所不能知佛意力所知法聲聞辟支佛意力
所不能知如上品法下品意識所不能知又
知細微法塵不可得知如阿毗曇中說何等
心可念謂了了者先所經用者可念非不經

用者如生死人先所用法能念未用則不念
聖人若經用若不經用聖智力故皆悉能知
又勝塵故知如用色界心知欲界法又到障
故不知如身見心緣五陰不見無我無常苦
亦如是又力障故不知如鈍根人利根障故
令心不知與上相違名在知境問曰云何名
意壞答曰狂顛鬼著憍逸失心或酒醉或藥
迷悶亂心或有貪恚等煩惱熾盛放逸壞心
如迷婆伽捕魚師等或刪若婆病能破壞心
又老病死亦能壞心若心在善法若不隱沒
無記法中是名不壞如是等因緣故雖有諸
塵而不能知是故汝言若不到能見何故不

見一切色者是事不然又汝言三事和合故名觸者隨根知塵時則名為觸不必相到所以者何意根亦說三事和合是中不以相到故名爲觸又汝言以相到故名有對者是事不然已說非對相故又汝言現在知生者第六識亦有但知現在如他心智又汝言衆緣合故知生者第六意根中已荅謂隨所知塵時名為和合又因意緣法意識生此言則空以不到故又以決定故名和合眼識但依眼不依餘亦不無依但緣色不緣餘亦非無緣乃至意識亦如是

成實論卷第四

草于鬼反

堅非下

鞭吾更去反又作鞞

二同字

篋字同

西

苦怙反

但盛成下音

毛爪巧下之反

疊牒音

囊囊拜上

摩蒲反

捫門下音

擠捫下上

尼卓反

濯濁音

劓刺上

亦銜反

若差

瘞字下

孌郎反

躔上

鄧反

又音騰

下

疼痺

徒冬反

嗜音

惜莫反

頽徒反

回

鷄上

脂保反

猫狸

茅下音

啖字

牧牛

目

音

桴音

瓢杓

薄苗反

篋邊迷

寢七反

錦

骨

芭連

蔽必反

眼祭反

睦下音

膚夫音

翳蔽

計上一反

祭下必反

捕音

刪若

者下反

拍乞甲反

祭下必反

捕音

刪若

者下反

拍乞甲反

